

**PRESIDENTA:**  
**DONA M<sup>a</sup> VICTORIA ALONSO MÉNDEZ**

**VOGAIS:**  
**DONA OLGA M<sup>a</sup> GARCÍA BALLESTEROS**  
**DONA RAQUEL GIRÁLDEZ ARMAS**  
**DONA ANA MARIA MEJIAS SACALUGA**  
**D. SANTOS HECTOR RODRIGUEZ DIAZ**  
**D. GORKA GÓMEZ DÍAZ (en substitución de**  
**Dona Ana Laura Iglesias González)**  
**D. MANUEL GONZALEZ MARTÍNEZ (en**  
**substitución de Dona Noemi Outeda Prol)**  
**D. CARLOS LOPEZ FONT(en substitución de**  
**Iria Lamas Salgueiro)**  
**DONA MARÍA PAZ LAGO MARTÍNEZ**  
**D. JORGE CUBELA LÓPEZ**  
**D. MANUEL ALEJANDRO LORENZO ALONSO**  
**D. JAVIER TOURÍS ROMERO**  
**D. ÁNGEL MANUEL RODAL ALMUÍÑA**  
**D. JOSÉ CARLOS LÓPEZ CAMPOS**  
**D. JOSÉ ALFONSO MARNOTES GONZÁLEZ**

**ACTA DA REUNIÓN AORDINARIA DA**  
**COMISION INFORMATIVA DE**  
**IGUALDADE CELEBRADA O DIA 23 DE**  
**SETEMBRO DE 2022**

En Pontevedra, sendo as doce horas e vinte e seis minutos do día 6 de setembro de 2022, reúnense na Sala de Xuntas da Deputación de Pontevedra, baixo a Presidencia de Dona María Victoria Alonso Méndez, as señoras e señores deputados que ó marxe se sinalan, membros da Comisión Informativa de Igualdade.

Actúa como Secretaria, por delegación do Sr. Secretario Xeral, Dna. Lucía Muradas Arcay xefa do Servizo de Igualdade.

Aberta a Sesión pola Presidencia, adoptáronse os seguintes acordos:

**1. APROBACIÓN DO BORRADOR DA ACTA DA SESIÓN EXTRAORDINARIA DO 6 DE**  
**SETEMBRO DE 2022.**

A comisión acorda prestar aprobación, por unanimidade, a acta da sesión extraordinaria celebrada o día 6 de setembro de 2022.

**2. DAR CONTA DA CONVOCATORIA DA VII EDICIÓN DOS PREMIOS SOFÍA NOVOA**  
**ORTIZ Á INCLUSIÓN DA PERSPECTIVA DE XÉNERO NOS TRABALLOS DE FIN DE**  
**GRADO E FIN DE MÁSTER**

A xefa do Servizo de Igualdade elabora un informe con data 20 de setembro de 2022, sobre a convocatoria da VII Edición dos premios Sofía Novoa Ortiz á inclusión da perspectiva de xénero nos traballos de fin de grado e fin de master, cuxo contido literal é o seguinte: "A igualdade como dereito está recollida na Constitución Española, nos artigos 9.2 e 14 e, tamén na Lei orgánica 1/1981, de 6 de abril, do Estatuto de Autonomía de Galicia. Ambas normas sinalan que os poderes públicos teñen a obriga de promover as condicións para que a liberdade e a igualdade das persoas sexan reais e efectivas.



*A Lei Orgánica 3/2007 de 22 de marzo para a igualdade efectiva de mulleres e homes, que se constitúe como o marco xurídico e legal da igualdade entre mulleres e homes a nivel de todo o Estado Español, a Lei orgánica 1/2004, do 28 de decembro, de medidas de protección integral contra a violencia de xénero e, o Decreto legislativo 2/2015, do 12 de febreiro polo que se aproba o texto refundido das disposicións legais da Comunidade Autónoma de Galicia en materia de igualdade; recolle que os poderes públicos no marco das súas competencias, incorporaran medidas tendentes a acadar a igualdade efectiva e impulsarán campañas de información e sensibilización específicas co fin de prever a violencia de xénero.*

*A consecución da igualdade real e efectiva de mulleres e homes en todos os ámbitos da vida social, política, económica e cultural e, a loita contra a violencia de xénero constitúense como unhas das principais liñas estratéxicas de actuación da Deputación de Pontevedra que impulsará a través do Servizo de Igualdade.*

*A Deputación de Pontevedra, dentro das súas múltiples liñas de actuación na promoción da igualdade real e efectiva, promove desde 2016 os Premios Sofía Novoa Ortiz á Inclusión da Perspectiva de Xénero nos Traballos de Fin de Grao e de Fin de Máster, que representan unha clara aposta por dar a coñecer a inclusión da perspectiva de xénero nos diferentes traballos académicos e de investigación do alumnado da Universidade de Vigo realizados nos campus de Vigo e de Pontevedra.*

*Que tendo en conta, o éxito alcanzado nas pasadas edicións e a consolidación destes premios, pois xa se presentaron máis de 120 traballos ás distintas convocatorias e contamos con 30 persoas premiadas, a Deputación de Pontevedra convoca a sétima edición dos Premios Sofía Novoa Ortiz á inclusión da perspectiva de xénero nos traballos de fin de grado e fin de máster.*

*Coa sétima edición dos Premios Sofía Novoa Ortiz á Inclusión da Perspectiva de Xénero nos Traballos de Fin de Grao e de Fin de Máster a Deputación de Pontevedra quere darlle continuidade a esta actuación que pretende sensibilizar o alumnado da Universidade de Vigo sobre a igualdade de xénero, para fomentar a súa investigación e estudo, e premiar os traballos de fin de máster e de fin de grao que incorporen a perspectiva de xénero.*

*A convocatoria ten por obxecto fomentar, consolidar e dar a coñecer a inclusión da perspectiva de xénero nos traballos de fin de máster e fin de grao realizados polo alumnado da Universidade de Vigo, nos campus de Vigo e de Pontevedra.*

*Poden presentarse calquera traballo de fin de grao e fin de máster realizado na universidade de Vigo, campus de Vigo e Pontevedra, en calquera rama de coñecemento; presentados, defendidos e aprobados durante o curso 2021-2022.*

*A contía total prevista para estes premios é de 5.200 €, con cargo á aplicación orzamentaria 22/250.2315.480.02, do orzamento xeral da Deputación 2022.*



*Para os traballos de fin de grado se outorgarán dous premios dotados con 1.000 € cada un e un accésit dotado con 600 € e, para traballos de fin de master igualmente se entregarán dous premios dotados con 1.000 € cada un e un accésit dotado con 600 €.*

**3. ROGOS E PREGUNTAS.**

Non se levan a cabo intervencións neste apartado.

E non habendo máis asuntos, a presidenta levanta a sesión, sendo ás doce horas e vinte e oito minutos, do que eu, como secretaria, dou fe.

*Asinada dixitalmente na data que figura na marxe.*

